

Салла ўраш Набий алайҳиссаломнинг суннатларидир



13:30 / 13.09.2020 3300

يَلْعَمُ لَسُو هِي لَعَلَّ لِي لَصَّ بِنَّا لِي تَأْرَ: لَأَقُ هُنَّ عُلَّ لِي لِي ضَرَّ تِي حُنَّبُ وَرَمَعُ نَع
أَلِ إِسْمُ حُلَّ أَوْرِي هِي فَتَكَ نِي بِي أَهْفَرَطِ يَخْرَأُ دَقُ أَدَوْسُ هَمَّ أَمْعُ هِي لَعَّ وَرَبَّنْ مَلَا
يُ رَأْحُ بُلَا

Амр ибн Ҳурайс розияллоҳу анҳудан ривоят қилинади:

«Набий соллаллоҳу алайҳи васалламнинг минбарда турганларини кўрдим. Бошларида қора салла, унинг пешини кифтлари орасига тушириб олган эдилар».

Бешовларидан фақат Бухорий ривоят қилмаган.

Амр ибн Ҳурайс тўплаган ҳадислардан баъзиларини уч «Саҳиҳ» соҳиблари ўз китобларига киритганлар.

Ҳадисда Набий соллаллоҳу алайҳи васаллам салла ўраб, унинг бир учини орқаларига ташлаб юришлари баён қилинмоқда.

Салланинг қора рангда бўлиши эса шарт эмас. Амр ибн Ҳурайс розияллоҳу анҳу кўрганларида Набий соллаллоҳу алайҳи васаллам иттифоқо шундай рангда салла ўраган эканлар. Бошқа ранглардаги саллалар ҳам бўлади. Оқ ранг афзал эканлиги ҳақида ривоятлар ҳам бор.

لَدَسَّ مَتَّعًا إِذْ مَلَ سَوَّ هِيَ لَعَلَّ لِي لَصَّ يُّبَّ لِنَاكَ : لَأَقُ هُوَ لَعَلَّ لِي لَصَّ رَمَّ عَرَّبَ لِنَاكَ
هُوَ أَوْ هِيَ فَتَكَ نَبِيُّ هُوَ مَأْمَعُ لَدَسَّ يُّ رَمَّ عَرَّبَ لِنَاكَ وَ : عَفَّ أَنْ لَأَقُ هِيَ فَتَكَ نَبِيُّ هُوَ مَأْمَعُ
يُّ ذَمَّ رَّتَّ لِي

Ибн Умар розияллоҳу анҳудан ривоят қилинади:

«Набий соллаллоҳу алайҳи васаллам салла ўрасалар, пешини кифтлари орасидан тушириб олар эдилар».

Нофеъ айтади:

«Ибн Умар ҳам салласининг Пешини кифтлари орасига тушириб юрар эди».

Термизий ривоят қилган.

Шарҳ: Бу ҳадис ҳам олдингисини тасдиқлайди ва ҳамда умматнинг бу ишда Набий соллаллоҳу алайҳи васалламга иқтидо қилиши кераклигини таъкидлайди.

مَأْمَعُ بِنَاتِ عَكَرَ : لَأَقُ مَلَ سَوَّ هِيَ لَعَلَّ لِي لَصَّ يُّ بَّ لِنَاكَ ، هُوَ هُوَ لَعَلَّ لِي لَصَّ رَمَّ عَرَّبَ لِنَاكَ
يُّ مَلَّ يُّ دَلَّ أَوْ هِيَ مَأْمَعُ أَلَبَّ عَكَرَ نَبِيُّ هُوَ مَأْمَعُ نَمَّ رِّيَّ ح

418. Жобир розияллоҳу анҳудан ривоят қилинади:

«Набий соллаллоҳу алайҳи васаллам:

«Салла билан ўқилган икки ракъат намоз салласиз ўқилган етмиш ракъат намоздан яхшидир», дедилар».

Дайламий ривоят қилган.

Шарҳ: Демак, салла намознинг савоби етмиш баробар кўпайишига сабаб бўлади. Салла ўраш Набий соллаллоҳу алайҳи васалламнинг

суннатларидир. Ҳатто Жаброил алайҳиссалом ҳам Набий соллаллоҳу алайҳи васалламнинг ҳузурларига салла ўраб тушганликлари ҳақида ривоятлар бор.

«Ҳадис ва ҳаёт» китобидан